



Ofisa o Fuainumera Fa'amauina

Fa'amaumauga o le Aofa'i o Tagata Faigaluega

Kuata o Iuni 2019

02 Set 2019	AOTELEGA		
Ripoti #15		Mat 2019 Kuata	Iun 2019 Kuata
Mo le silafia:	Numeru Tagata	24,436	24,432
O faamaumauga o tagata faigaluega ma totogi ua suia tausaga faavae mai le 2009 i le 2013 ina ia o gatasi ma suiga o le tausaga faavae o faamaumauga o le tamaoaiga.	Aofa'i o Totogi (\$m)	\$139.8	\$141.6
	Totogi tagata taitoatasi	\$5,723	\$5,794
	Suiga i pasene fua i le kuata tausaga talu ai	1.1%	0.8%

Ua faamauina le siitia o le aofai o tagata faigaluega i le 0.8% mai le aofaiga sa i ai ia Iuni 2018. O loo o gatasi lava ma le maua luga o le suiga i le aofai o tagata faigaluega na faamauina mo le kuata o Mati 2019 faatusa ile kuata lava lea o le tausaga ua te'a. O nei suiga ua atagia ai le faatuputupuia o avanoa faigaluega i le kuata o Iuni 2019 i vaega maoti e pei o Galuega Tetele, Vaega tau Faletupe, Eletise, Felauaiga, Vaega o Meaai gaosi, Soifua Maloloina faapea Auaunaga Taitoatasi.

O le vaega o totogi na faamauina e \$141.6 miliona (tusa lea ma le 2.5%) lona siitaga faatusa i le kuata lava lena o le 2018. O lea siitaga na afua ona o le siitia o totogi i vaega e aofia ai le vaega o Fefaatauaiga, vaega o Meaai gaosi, Soifua Maloloina, Galuega Tetele, Isi Galuega faapisinisi, Fesootaiga faapea ma Isi Auaunaga.

ILOILOGA O LE KUATA Suiga o le Aofa'i o Tagata Faigaluega

I le Pusa 1, o loo manino ai le siisii pea i luga o le aofa'i o tagata faigaluega pe a faapaseneina amata mai ile kuata o Iuni 2018. O loo tulaga lelei pea le faitau aofai o tagata faigaluega; e lima kuata sosoo o loo maitauina pea le siitia o fuainumera o tagata faigaluega.


E lima kuata soso'o oloo alualu pea i luga totogi o tagata faigaluega fua i le suiga i pasene mai i le

kuata lava lea o le tausaga ua te'a amata mai ia Iuni 2018 seia oo mai ile kuata o Iuni 2019.

Pusa 1: Suiga o Tagata Faigaluega ma Totogi (2013=100)

	Iun 18	Set 18	Tes 18	Mat 19	Iun 19
Suiga o Tagata Faigaluega	102	103	103	103	103
Suiga i pasene	0.4	2.0	1.1	1.1	0.8
Suiga i Totogi	115	114	117	116	117
Suiga i pasene	4.7	0.6	1.6	0.3	1.7

Kalafi 1: Suiga o le aofai o tagata faigaluega, Iuni 2016 - Iuni 2019



O le kalafi 1 o loo faailoa mai ai fesuaiga laiti ile aofai faapaseneina o tagata faigaluega i kuata e amata mai ia Iuni 2016 seia oo mai i le kuata o Iuni 2019. E le tele se esesega o le suiga o tagata faigaluega i le kuata o loo iloilo ina ma kuata sosoo e tolu muamua amata mai ia Setema 2018. Ile kuata o Iuni 2019, e 0.8% le siitaga o le aofai o tagata faigaluega mai ile kuata lava lea o le tausaga ua te'a. Ae peitai, e 0.02% na maua lalo ai lona suiga pe a fua ia Mati 2019.


Mataupu o i le ripoti:

Aotelega i le Kuata	1-4
Suiga o Tagata Faigaluega ma Galuega	1-2
Aotelega o Faamaumauga	2-4
Tagata Faigaluega i Vaega Maoti	2-3
Iloiloga o le sefululua masina	5
Faamatalaga	6
Pepa Faapoopo	


O vaega maoti nei na tele lo latou sao i le suiga o le aofai o tagata faigaluega pe a fua i le tausaga ua te'a, e aofia ai le vaega o Galuega Tetele, Eletise, Vaega o Suavai, Taumafa Gaosi, Aoaoga, o Isi Auunaga, Faatoaga, Fesootaiga, Fefaatauaiga, Soifua Maloloina ma le vaega a le Malo i o latou sao e 14.0%, 7.3%, 4.2%, 4.1%, 4.0%, 2.7%, 2.3%, 2.0%, 1.8%, 1.7% ma le 1.7%.

O nisi o vaega na tulaga maualuga lo latou sao ona o le siitia o le aofai o tagata faigaluega e aofia ai:

Kalafi 2: Suiga o tagata faigaluega i le Vaega o Galuega Tetele




Kalafi 3: Suiga o Tagata Faigaluega i le Vaega o Eletise



SUIGA O TOTOGI

Kalafi 4: Suiga o Totogi, Iuni 2016 - Iuni 2019



I le siata 4, o loo faaalua mai ai le suiga i totogi o tagata faigaluega mai i le kuata o Iuni 2016 agai ia Iuni 2019. O loo manino ai siitaga faapea fesuia'iga o pasene o totogi i kuata taitasi. O le aofaiga o totogi o tagata faigaluega ile pirioti o loo iloiloina e 117. Ia Iuni 2019, e 1.7% ua siitia ai pe a fua ia Iuni 2018 ae 1.2% e maualuga ai foi pe a fua i le kuata o Mati 2019. O vaega na aupito sili ona tele lo latou sao i le suiga lelei o totogi e aofia ai vaega o Eletise, Galuega Tetele, Suavai, Fefaatauaiga faapea le Soifua Maloloina i pasene e 12.6%, 12.1%, 10.4%, 6.1% ma le 6.1%.

AOTELEGA O FAAMAUMAUGA

Pusa 2: Aofa'iga o tagata faigaluega ma Totogi, Kuata o Iuni 2019

Aofa'i Tagata Faigaluega, Aofai o Totogi & Totogi faalekuata Iuni 2019						
	Aofa'i	%	Al'i	%	Tamaita'i	%
Aofa'i Tagata Faigaluega	24,432	100	13,933	57.0	10,499	43.0
Aofa'i o Totogi (\$ miliona)	141.6	100	77.3	54.6	64.3	45.4
Totogi faalekuata (\$)	5,794		5,546		6,123	

O le aofaiga o tagata faigaluega faamauina i le faaiuga o Iuni 2019 e 24,432 e pei ona faamanino mai i le siata 2; mai i lea aofaiga e 57.0% alii ae 43.0% tamaitai. O le aofaiga o tupe faamatuu atu i totonu o le kuata mo totogi e \$141.6 miliona; na fa'aaluina le sea maualuga e 54.6% mo totogi o alii ae na'o le 45.4% mo totogi o tamaitai i le kuata o Iuni 2019. Ae peitai, a fua i le aotelega poo totogi i totonu o le kuata, e maualuga atu tupe fa'aaluina mo totogi o tamaitai nai lo alii. O loo manino mai i le Pusa 2, o le aotelega (average) o totogi o alii e na'o le \$5,496 ae o le aotelega faalekuata o totogi o tamaitai e \$6,020.

O le Pusa 3 (i lalo) o loo auiliili ai le aofai o tagata faigaluega i vaega maoti e tolu e aofia ai le Vaega 1 (Primary), Vaega 2 (Secondary), Vaega 3 (Services) faapea ai ma le vaega a le Malo (Public Administration) mai ia Iuni 2018 seia oo mai ia Iuni 2019. I le kuata o Iuni 2019, o le Vaega 3 poo le vaega o Auunaga Eeseese o loo faamauina ai le toatele o tagata faigaluega i le 63.4% o le

faitau aofai atoa o tagata faigaluega. O le vaega a le Malo e lona lua i le 24.0% o tagata o loo galulue ai, soso'o ai ma le Vaega 2 i le 11.6%; na o le 1.1% le aofa'i o loo faamauina e galulue i le Vaega 1.

Pusa 3: Aofaiga o Tagata Faigaluega i Vaega Maoti o le tamaoiga, Iuni 2019

	Num %	Aofa'i	Vaega Ma'oti			
			Vaega 1	Vaega 2	Vaega 3	Vaega 4
Iun-18	Num	24,244	244	2,654	15,587	5,758
	(%)	100	1.0	10.9	64.3	23.8
Set-18	Num	24,523	273	2,690	15,722	5,839
	(%)	100	1.1	11.0	64.1	23.8
Tes-18	Num	24,444	278	2,716	15,579	5,870
	(%)	100	1.1	11.1	63.7	24.0
Mat-19	Num	24,436	272	2,844	15,450	5,869
	(%)	100.0	1.1	11.7	63.2	24.0
Iun-19	Num	24,432	260	2,829	15,488	5,855
	(%)	100.0	1.1	11.6	63.4	24.0

Na maitauina siitaga i le Vaega 1, Vaega 2 ma le Malo faatusa ia Iuni 2018. Na siitia le Vaega 1 ma le Vaega 2 na siitia i le 1.1% ma le 11.6% ae o le Vaga a le Malo na siitia i le 24.0%.

Pusa 4: Tagata faigaluega i vaega maoti o le Tamaoiga, Iuni 2019

Vaega Maoti	Alii	%	Tamaitai	%	Aofai	%
Malo	2,734	46.7	3,121	53.3	5,855	24.0
Fefaatauaiga	2,302	62.4	1,384	37.6	3,686	15.1
Isi Auaunaga	1,426	51.2	1,359	48.8	2,785	11.4
Fela'uaiga	1,394	72.7	523	27.3	1,917	7.8
Faletalimalo	819	54.3	690	45.7	1,508	6.2
Auaunaga Taitoatasi	833	58.9	581	41.1	1,414	5.8
Galuega Tetele	1,047	91.3	100	8.7	1,147	4.7
Auaunaga tau Faletupe	441	41.4	625	58.6	1,066	4.4
Soifua Maloloina	442	42.1	610	57.9	1,052	4.3
Isi Auaunaga Faapisinisi	419	61.8	259	38.2	678	2.8
Aoaoga	185	32.7	380	67.3	565	2.3
Taumafa Gaosi	370	69.7	161	30.3	531	2.2
Isi Oloa Gaosi	334	66.9	165	33.1	498	2.0
Faleaiga	229	53.2	201	46.8	429	1.8
Fesootaiga	239	61.8	148	38.2	387	1.6
Eletise	275	80.6	66	19.4	341	1.4
Suavai	236	75.6	76	24.4	312	1.3
Faatoaga	120	80.0	30	20.0	150	0.6
Faigafaiva	90	81.5	20	18.5	110	0.5
Aofa'i	13,933		10,499		24,432	100.0

O le vaevaeina o tagata faigaluega i vaega maoti o le tamaoiga o loo faaalua i le Pusa 4 o loo i luga. I lea vaevaeiga, e 24.0% o loo galulue i le vaega a le Malo; e 46.7% o alii ae 53.3% o tamaitai. O le vaega o Fefaatauaiga e lona lua i le faasologa e pei ona faamauina ai le 15.1% o le aofai o tagata faigaluega o loo galulue ai; e 62.4% o alii ae 37.6% o tamaitai. O le vaega o Isi Auaunaga e lona tolu i le 11.4%; e 51.2% o lea vaega o alii ae 48.8% o tamaitai. O le vaega o Felauaiga, Faletalimalo, Auaunaga a tagata taitoatasi faapea ma le vaega o Galuega Tetele o loo galulue ai le 7.8%, 6.2%, 5.8% ma le 4.7% o le aofai o tagata faigaluega.

I le vaevaeiga o tagata faigaluega i alii ma tamaitai, o vaega maoti o le tamaoiga o loo maua ai pasene o alii nai lo o tamaitai e aofia ai vaega o Galuega Tetele, Faigafaiva, Faatoaga, Eletise, Suavai, Felauaiga, Gaosi meaa, Vaega o Isi Oloa gaosi, Vaega o Isi auaunaga faapisinisi, Fesootaiga faapea ma le vaega o Fefaatauaiga. O le vaega o Malo, Auaunaga Faafaletupe, Soifua Maloloina ma Aoaoga o lo'o faamauina le toatele ai o tamaitai o loo galulue ai nai lo o alii.

Pusa 5: Totogi o Alii, Iuni 2019

Vaega Maoti	% o Alii faigaluega i le aofa'i	Totogi (\$m)	Totogi faalekuata (\$)
Fesootaiga	1.7	3.1	12,764
Auaunaga tau Faletupe	3.2	4.0	9,499
Soifua Maloloina	3.2	3.6	8,160
Malo	19.6	21.4	7,823
Suavai	1.7	1.8	7,596
Eletise	2.0	2.0	7,198
Auaunaga Taitoatasi	6.0	4.6	5,574
Isi Auaunaga	10.2	7.6	5,363
Felauaiga	10.0	6.8	4,860
Taumafa Gaosi	2.7	1.6	4,319
Isi Oloa Gaosi	2.4	1.4	4,154
Isi Auaunaga Faapisini	3.0	1.7	4,115
Aoaoga	1.3	0.8	4,112
Galuega Tetele	7.5	4.2	4,021
Fefaatauaiga	16.5	9.2	4,016
Faigafaiva	0.6	0.4	4,003
Faletalimalo	5.9	2.3	2,832
Faleaiga	1.6	0.6	2,608
Faatoaga	0.9	0.2	1,841
Aofa'i	100.0	77.3	5,546

E ui ina maualuga le numera o alii i totonu o le Malo (19.6% o le faitau aofai o alii faigaluega) ma maualuga foi le aofai o tupe o loo faaalaina i o latou totogi (19.6 miliona), e le'i tulaga muamua le Malo pe a tuufaatasia le aotelega (average) o totogi. O loo faamauiina mo le Vaega a le Malo le aotelega o totogi faalekuata e \$7,823 na totogiina atu i tagata faigaluega; e lona fa lea i totogi faalekuata na totogiina i totonu o le kuata mo alii.

O le vaega o Fefaatauaiga e lona lua i le faasologa o vaega e aupito sili ona toatele alii o loo galulue ai i le aotelega o totogi e \$4,016. O totogi lona lima maualalo lea i totogi o alii i totonu o le kuata o loo iloiloaina. O Vaega na ripotia e aupito sili ona maualalo ai totogi o alii e aofia ai le vaega o Faleaiga faapea ma le vaega o Faatoaga i aofaiga e \$2,608 ma le \$1,841.

Pusa 6: Totogi o Tamaitai, Iuni 2019

Vaega Maoti	% o Tamaitai'i faigaluega ile aofa'i	Totogi (\$m)	Totogi faalekuata (\$)
Soifua Maloloina	0.2	5.5	8,964
Eletise	1.4	0.6	8,838
Auaunaga faa Faletupe	5.4	5.4	8,605
Malo	1.6	25.8	8,255
Suavai	0.8	0.6	7,574
Fesootaiga	1.0	1.1	7,185
Auaunaga Taitoatasi	6.7	3.3	5,721
Taumafa Gaosi	0.6	0.9	5,353
Isi Auaunaga	2.0	7.2	5,267
Faigafaiva	6.0	0.1	5,205
Galuega Tetele	5.6	0.5	4,813
Felauaiga	2.3	2.5	4,737
Isi Auaunaga Faapisinis	13.0	1.2	4,715
Fefaatauaiga	0.2	5.4	3,927
Isi Oloa Gaosi	29.4	0.6	3,464
Aooga	3.7	1.2	3,265
Faletalimalo	1.5	2.0	2,876
Faatoaga	5.8	0.1	2,869
Faleaiga	12.8	0.5	2,540
Aofa'i	100.0	64.3	6,123

E faapea foi i tamaitai, e toatele tamaitai o loo galulue i le vaega a le Malo na i lo o seisi lava vaega maoti ma e maualuluga foi o latou totogi ae ui i lea, e le o le vaega numera tasi lea i totogi pe a faatusa i le aotelega o totogi (average wages) o vaega uma. E tulaga fa le Vaega a le Malo i lona faatulagana o totogi faalekuata pei ona taua i le Pusa 6. O le Soifua Maloloina o loo faamauiina ai le

totogi faalekuata maualuga e \$8,964. E sosoo mai ai totogi faalekuata i le vaega a le Eletise ma Auaunaga Faafaletupe i totogi e \$8,838 ma le \$8,605. O le totogi faalekuata maualalo mo tamaitai o loo faamauiina i le vaega o Faatoaga faapea ma Faleaiga e \$2,869 ma le \$2,540.

ILOILOGA O LE SEFULULUA

MASINA:

(Iulai 2018 – Iuni 2019)

Pusa 7: Suiga o le aofaiga o tagata faigaluega ma totogi

	2015	2016	2017	2018	2019
Suiga tagata faigaluega	101	103	104	102	104
Suiga i pasene	1.2	2.2	0.6	-1.5	1.2
Suiga i totogi	105	109	112	116	118
Suiga i pasene	4.5	4.7	2.5	3.1	2.3

O loo atagia mai i le Pusa 7 le siitia ai o le aofa'i o tagata faigaluega i le 1.2% i le tausaga faaiu ia Iuni 2019 faatusa i le tausaga faaletupe ua te'a maea ia Iuni 2018. Na aga'i i lalo le suiga o tagata faigaluega i le tausaga faaiu ia Iuni 2018. O le suiga i totogi o loo faaauau pea ona siitia i tausaga faaletupe e lima; o le tausaga o loo iloiloaina ua siitia le suiga o tagata faigaluega i le 2.3%.

O le siitia ai o le aofai o tagata faigaluega i totonu o le tausaga iloiloaina i le 2.3% na afua ona o le siitia o avanoa faigaluega maua mai i vaega maoti e aofia ai le vaega o Aooga, Faleaiga, Galuega Tetele, Suavai, Taumafa Gaosi ma le Eletise i pasene e 15.9%, 14.4%, 9.3%, 6.2%, 5.9% ma le 5.1%.

Pusa 8: Tagata Faigaluega ma Totogi, Iul 2018 - Iun 2019

Aofai Tagata Faigaludega, Aofa'i o Totogi & Totogi Faalekuata						
Tausaga Faaiu ia Iuni 2019						
	Aofa'i	%	Alii	%	Tamaitai'i	%
Aofa'i Tagata Faigaluega	24,459	100.0	13,933	57.0	10,526	43.0
Aofa'i Totogi (\$m)	560.7	100.0	304.8	54.4	255.9	45.6
Totogi fa'ale-tausaga (\$)	22,923		21,874		24,311	

O le aofaiga fa'amauiina o tagata faigaluega i le faaiuga o le tausaga faaletupe 2019 e 24,459; e 57.0% o alii ae 43.0% o tamaitai. O le aofaiga o totogi e \$560.7 miliona; i lea aofa'i e 54.4% na totogiina ai alii ae 45.6% o le totogi

o tamaitai.

O le aotelega o totogi faale-tausaga mo le tausaga o Iulai 2018 - Iuni 2019 (average) e \$22,923. E maualuga le aotelega poo le average a tamaitai i le \$24,311 pe tusa lea ma le 11.1% e maualuga ai na i lo o alii.

Faamatalaga ma isi Atina'e

Tagata o loo faamauina (Scope)

O nei faamauina o lo'o aofai uma ai tagata o lo'o galulue i vaega maoti o le tamaoaiga ma ua resitala faaletu-lafonoina i lalo o le Faalapotopotoga o Faaputugatupe mo le Lumana'i o Samoa po'o le SNPF.

Faavasegaina / Faatulagaga (Classification)

O le faavasegaina o tagata faigaluega o loo mulimulitai i le Vaevaeina o Vaega Maoti o le Tamaoaiga poo le ISIC Lomiga 3.1 e pei ona faaogaina e atunuu uma o le lalolagi, saunia e le Faalapotopotoga o Malo Aafaatasi.

Tagata Faigaluega mo Galuega e maua totogi

Tagata Faigaluega

- ◆ O Tagata Faigaluega—o le aofai o tagata faigaluega ia o loo galulue ma tautua i soo se atinae e maua ai ni o latou tau/totogi tau tupe.
- ◆ O ia tagata faigaluega e aofia uma ai tagata faigaluega totogi aso ma tagata faigaluega i galuega tumau i vaega maoti o le tamaoaiga i le Vaega pisinisi tumaoti faapea foi le Malo.

Galuega e maua totogi

- ◆ O galuega e ai'ia fa'a-le-tulafono, e mautinoa ai le maua o tau/totogi tau tupe ma isi faamanuiaga e tatau ona maua e le tagata faigaluega.
- ◆ E aofia uma ai tagata faigaluega faapea foi atniae tau pisinisi o e ua maea lesitala i lalo ole Faalapotopotoga a le NPF.
- ◆ E le o aofia ai i latou o loo galulue i galuega e le maua ni totogi faapea le aufaipisinisi taitoatasi ma i latou o loo fai saofaga e leo galulue i pisinisi o loo ua lesitalaina.

Fesuaiga o le Aofai o Tagata Faigaluega (Employment Index)

- ◆ O le faailoilo lea e fuaina ai suiga o le aofai o tagata faigaluega mai lea kuata i lea kuata faatusa i le tausaga faavae o le 2013, e faaogaina ai pasene. (2013 = 100)

Fesuaiga o Totogi o Tagata Faigaluega (Wage Index)

- ◆ O le faailoilo lea e fuaina ai suiga o totogi o tagata faigaluega mai lea kuata i lea kuata faatusa i le tausaga faavae o le 2013, e faaogaina ai pasene. (2013 = 100).

Fesuaiga o fuainumera faamauina (Revisions)

O faamauina i tagata faigaluega ma le aofai o totogi, e aoina ma tuufaatasia lea e le Faalapotopotoga a le NPF ma tuuina mai i kuata taitasi. O ia faamauina e aoina mai tuufaatasia i le polokalame faapitoa e le Vaega o Fuainumera tau Tupe ma le Tamaoaiga ma saunia ai loa faailoilo o fesuaiga o tagata faigaluega ma le aofai o totogi mai lea kuata i lea kuata. E iai luitau e feagai pea ma le ofisa e pei o le tuai o le tuuina mai o faamauina mai le NPF, ona faaogaina loa lea o faamauina o taimi ua tuana'i e saunia ai se faailoilo aupito sili ona latalata, seia maua mai faamauina maumaututu ona toe fai loa lea o suiga talafeagai e faailoa mulimuli ane i ripoti o le kuata e sosoo ai.



Aliimuamua Malaefono Taua – T Faasalaina

Faamau Fuainumera a le Malo / Ofisa Sili o Pulega



Ofisa o Fuainumera Fa'amauina

Vaiga Taula'i:
"Avea le Ofisa o Fuainumera ma taitai i le tuufaatasia ma le tuuina atu o fuainumera faamauina sa'o ma faatuatuaina mo le manuia o Samoa".

Vaega o Faamauina tau Tupe ma le Tamaoaiga
Maota FMFMII, Fogafale 2 Pusa Meli 1151
Apia, Samoa

Telefoni: (685) 62006 / 29326
Telesi: (685) 24675
Imeli: fsd@sbs.gov.ws